



Universitätsbibliothek Paderborn

Antidota Evangelica contra horum temporum hæreses

Stapleton, Thomas

Antverpiae, 1595

23. Si offers munus tuum ad altare.

urn:nbn:de:hbz:466:1-39546

23. Si offers manus tuum ad altare.

DICIT hoc loco Caluinus, Christum pro illius seculi ratione de sacrificijs loqui, hodie diffi milē esse nostram conditionem. Sed ut Christi doctrina eadem ac perpetua omnibus seculis sit, nec ad illud solum tempus restringatur quo Iudeorum sacrificia ad Dei cultum pertinebant, (quo nihil magis absurdum) necessariō fatendum est non solum in quolibet pio opere ad Dei cultum destinato hanc legem valere (qui tantum tropologicus est huius loci sensus) sed Christum ad litteram de futuro in Ecclesia sua sacrificio externo (quod hæretici hodie agnoscere nolunt) hanc legem tulisse. Nam & nos habemus altare, de quo edere non possunt, qui deseruiunt tabernaculo; ait Paulus: de quo etiam sacrificio dicit: Probet seipsum omnis homo, & sic de pane illo edat, &c. Summa autem probacionis pars est, ut omnis eum fratre similitas penitus aboleatur: quod hic imprimis Christum spectasse veteres interpretes annotarunt. Chrysostomil. 16. vbi ait. Audiant hi qui sacris mysterijs initiati cum inimicis ad communionem altaris accedunt. Rursum hom. 11. operis imperfecti. Hilarius in Matth. Cap. 5. & Augustinus lib. 1. cap. 20. de hoc serm. Domini in monte.

26. Non exies inde, donec solvas nouissimum quadrantem.

DE BACCHATVR hoc loco prolixè Caluinus contra Catholicos modernos, qui in perpetua huius loci allegoria purgatorium fabricant, quod ut cusatio inueniant, Diabolo fratres & amicos illos esse oportere ait, quia aduersarium hoc loco Diabolū exponunt. Sed captio-

D 4 f us

Sacrificij
in Eccle-
sia exter-
num.
Heb. 13.

1. Cor. 11